

Қуръони Каримни ўқийлик ва тинглайлик!



11:00 / 07.05.2022 3287

Қуръони Карим – Аллоҳ таолонинг бандаларни ожиз қолдирувчи, тиловати ибодат ҳисобланган, барча замонлар ва маконларда инсониятга дунёю охират саодат йўлини кўрсатиб берувчи Каломидир! Аллоҳ таоло Қуръони Каримни тиловат қилишни, оятлари маъносини тадаббур, тафаккур этишни биз бандаларига амр қилган.

У Зот Қуръони Каримда шундай деб марҳамат қилган:

اَلَيْتَرْتَن اَرْقُل لِّلرَو

“Ва Қуръонни тартил билан тиловат қил” (Муззаммил сураси, 4-оят)

Роббимиз яна бир оятда бундай деб марҳамат қилган:

اَلْاَفْق اِبْوُلُق اَلْعَم اَن اَرْقُل اَن وَّرَبَّرَتِي اَلْفَا

“Қуръонни тадаббур қилиб кўрмайдиларми? Ёки қалбларида қулфлар борми?” (Муҳаммад сураси, 24-оят)

Қўлингни Мусҳафи Шарифдан узоқ тутадиган бўлсанг, ҳаёт «қўли» сенинг бўғзингдан тутади.

Шайх Шаъровий раҳимаҳуллоҳ дедилар:

«Мусхафимиз устида чанг йиғилгани миқдорича қалбларимизда ғамлар тўпланади».

Уйингдаги Қуръони Каримнинг усти чанг бўлиб, телефонинг экрани чанг бўлмаётган бўлса, катта зиёнга учрабсан. Телефон экранига қадалган кўзларингни Қуръон саҳифаларига йўналтир! Эсингни йиғ! Қуръони Каримни қўлга ол! Қуръон Охиратда ё фойдангга ёки зарарингга ҳужжат бўлишини унутма!

Қуръон ўқиётган пайтингизда:

- икки кўзингизга қараш савобини;
- икки қулоғингизга эшитиш савобини;
- тилингизга нутқ қилиш савобини;
- қўлларингизга Мусхафни вароқлаш савобини берасиз.

Учта тижорат зарар кўриш нималигини билмайди:

1. Қуръон қироати.
2. Намоз.
3. Инфоқ.

Аллоҳ таоло Қуръони Каримда марҳамат қилади:

أَرْسُ مُمْهَانُ قَزَرِ أُمَّمِ أَوْ قَفَنَ أَوْ أَلَّصَلَّ اِ أَوْمَاقُ أَوْ لَلَّ اَبَاتِكَ نَوُلْتَي نِي دَلَّ اِنِّ اِنِّ
رَوُبَاتٍ نَّ لَّ رَاجَتَ نَوُجَرِيَّ ةَي نَالْغَو

«Албатта, Аллоҳнинг китобини тиловат қиладиганлар, намозни тўқис адо этиб, Биз уларга ризқ қилиб берган нарсалардан махфий ва ошкора инфоқ қилганлар, ҳаргиз касодга учрамайдиган тижоратдан умидвор бўлурлар».

(Фотир сураси, 29-оят).

Роббимиз, шунингдек, биз бандаларига Қуръони Карим тиловатини жим туриб тинглашни ҳам амр қилган.

У Зот Қуръони Каримда бу ҳақида шундай деб марҳамат қилган:

نَوُجَرْتُمْ كَلَّ اِ اَوْتَصَنَّا اَوْ هَلَّ اَوْ عَمَّ تَسَافُ نَأْرُقُ لَ اِئْرُقُ اِذَاو

“Қачон Қуръон тиловат қилинса, унга қулоқ солинглар ва жим тулинглар, шояд, раҳм қилинсангиз” (Аъроф сураси, 204-оят)

Қуръони Каримни тинглашдан олдин тинглайдиган сурангизнинг тафсирини, маънолар таржимасини ўқиб чиқинг!

Қуръонни ўқиб, маъноларини тушуниш учун Тафсири Ҳилол, Тафсири Ирфонни ўқиб, ўша маънолар ҳақида тафаккур қилган инсоннинг қалби яхши томонга тез ўзгаради.

Тафаккур қилиб, қалбида ўша маъно жо бўлгандан кейин ўша оятларнинг тиловатини кўзни юмиб эшитилса, катта ўзгариш бўлади.

Кейин кўзингизни юмиб, диққат билан тингланг!

Иложи бўлса, Маҳмуд Халил Ҳусорий, Абдулбосит Абдуссамад, Муҳаммад Сиддиқ Миншавий, Моҳир Муайқилий, Саъд Ғомидий, Мустафо Исмоил, Мишарий Рошид Афасий, Аҳмад Ажмий, Идрис Абкар каби қориларнинг ўқиганларидан тингланг.

Тинглаш олдидан биров ҳалақит бермайдиган шароит қилиб олинг, токи хушў тарқалиб кетмасин!

Ўқиладиган оятлар ҳақида тафаккур қилинг! Ўқиган тафсир китобидаги маълумотларни кўз олдингизга келтиринг!

Инша Аллоҳ, қалбингизда туғилганингиздан бери туймаган лаззат ва хотиржамликни, ҳайбат ва қўрқувни ҳис этасиз!

**هللا ىلص هللا لوسر لاق : لاق -هنع ىلعات هللا ىضر- نامثع نع
ىراخبلل هجرأ (هملعو نآرقلا ملعت نم مكريخ) :ملسو هىلع**

Усмон розияллоҳу анҳудан ривоят қилинади. Расулуллоҳ соллаллоҳу алайҳи васаллам дедилар: **“Сизларнинг энг яхшиларингиз Қуръонни ўрганиб, уни бошқаларга ўргатганингиздир”** (Имом Бухорий ривояти).

Салафи солиҳларимиз ушбу ва бошқа ҳадисларга амал қилиб, Қуръонни ўқишга, ўқитишга, оятлари устида тафаккур, тадаббур қилишга жуда катта эътибор берардилар. Ҳазрати Умар розияллоҳу анҳу Бақара сурасини 8-9 йилда ёд олганлари, ҳар бир оятга амал қилиб ёдлаганлари учун шунча кўп вақт кетгани асарларда келган.

Биз ҳам Қуръони Каримни кўпроқ ўқийлик, оятларининг маъносининг таржимаси борасида тафаккур қилиб, қалбимизни поклашга уринайлик! Зеро, Қуръони Карим фақат ўлганларнинг руҳи шод бўлиши учун ўқиладиган китоб эмас, у аввало биз тирик мусулмонлар ўқиб, амал қилишимиз учун нозил қилингандир.

Аллоҳ таолонинг Ўзи бу борада барчамизга мадад берсин! Қуръони Каримни ўқиб, ўрганиб, тиловат қилиб, тиловатини тинглаб, амал қилишимизни барчамизга насиб этсин!

Интернет маълумотлари асосида Нозимжон Ҳошимжон тайёрлади